



廟上重建萬氏白雲莊及追祀鄉賢紀

陳訓慈

新 建 之 四 明 萬 氏 白 雲 莊





鄧先賢萬子熾萬公擇兩先生之墓

MG
K928.75
16

甬上重建萬氏白雲莊及追祀鄉賢紀



- 一、甬上梨洲之教澤與萬氏之宗風
- 二、白雲莊舊址與萬氏遺墓之訪獲
- 三、重建白雲莊與修建萬墓之經過
- 四、白雲莊之落成與祀典
- 五、白雲莊入祀諸鄉賢小傳
- 六、甬 雷 社 之 組 成

民國二十三年春，甬人士訪舊西郊管家岸，得鄉賢萬公擇先生（斯選）墓，荒蕪不治，鞠為茂草；是冬，又在其右訪獲萬子斌先生（斯昌）墓。而姚江黃梨洲先生講學舊地之萬氏白雲莊，亦得考定其遺址。于是鄞文獻會為表彰鄉賢，特釀金修建二墓；復以梨洲先生平生師友門從，多在甬上，而祀典闕如，非所以崇碩儒而風後起也，慨更就遺址修復白雲莊，以祀諸賢。二十四年八月八日莊成，乃奉梨洲先生及證人高弟十八人，萬氏先世四忠三節一義，及萬氏十哲（履安公父孫四世而與梨洲有交遊之雅及聞道而不列高弟者）之粟主人祀，並修謁二萬先生之墓，立碑以信來葉。復為保莊墓而永祀典，且以闡揚浙東之學，組甬雷社以主之。維時國步日艱，外侮益亟，世人或以導揚地方文教之事，非重捍衛之今日之所急為諷。然余嘗思之，梨洲先生丁胡騎侵陵之會，奮志匡復之業，大勢既去，則隱居著述講學，宗國之思，唯先生實揚其波

甬上重建萬氏白雲莊及追祀鄉賢紀

而植其基，其大弟子多終老布衣，後生口耳相傳，奕世不沫，二百餘年而卒成光復建國之業。追本原始，緊先生啓導之力。萬公擇先生兄弟與諸人高弟，靡不嘉言危行，無忝師門之教。後之人承諸公浩然忠義之風，崇而祀之，表而述之，非亦足爲振厲民心之助乎？抑又考之，萬氏之先文質公，嘗從明太祖逐胡氛于中原，厥後世濟其美，盡瘁報國；明世大事，如靖難，如征交趾，如救朝鮮，如平倭亂，莫不有萬氏名臣與其間，梨洲稱之爲卿相之才，有事則著武功，承平則顯儒術者。及履安先生丁明之叔世，始「棄累代矛戈之傳，以文史代馳驅，……領袖東南數十年」，（劉坊萬季野行狀）然猶饋餉海上，以襄監國匡復之業，與梨洲之四明山寨及諸義師相輝映。而其季子季野先生則以一身負國史之重任，以爲祖先以身殉王事，其玄曾應不忘網羅故實，彰前修而待後起。餘子亦各有其至，義不仕清。則是四明萬氏之事功學問，誠足繫朱明一代興亡之鉅，而此白雲莊與遺墓之修建，固非僅與復地地方古蹟之事，抑將以梨洲拳拳民族之義，萬氏盡瘁報國之烈，示吾邦人以繼承恢宏，而拯我殄瘁之國家，維護之于不墜也。審是義也，庸可無述？余既與斯會，感郡人士用意之深遠，爰爲紀莊墓訪獲與修建之經過，奉祀鄉賢與組設甬甯社之由來，而更考釋梨洲在甬上之教澤以弁其端，叙次入祀諸賢之行事以繫于後。既以抒後學景行之思，傳郡人表章鄉獻之美，亦願藉此爲我國人觀感興起之資云爾。

一、梨洲在甬上之教澤與萬氏之宗風

姚江黃梨洲先生（宗義）承明學之敝，爲學賅博，實爲近三百年來中國學術之開山。論者以爲明清間之碩儒，其建樹以黃、顧、王、顏四家爲最大。而自汪容甫頌美六儒，折衷漢學，獨遺梨洲；（汪中國朝六

儒領）後人承其波，亦往往盛推亭林，而于梨洲有微詞；或囿于會稽章氏之說，以爲梨洲惟爲浙東學派之始祖。（如梁啓超近三百年學術史，謂清代學術，多由亭林發其端，後人行其緒；甚且謂論清學開山之祖，舍亭林無第二人。其于梨洲，惟稱其修正王學與學術史之創作）實則梨洲學問波瀾之壯闊，人格之崇高，即當時亭林亦深致推許。而以經史證性命，融會貫通，抑又非顧氏所及。縱就漢學言之，梨洲亦卓著開導先路之功。（胡渭之易圖明辨，閻若璩之尚書古文疏證，爲考證學者所推尊；而梨洲之易學象數論，爲胡書之先導；授書隨筆，復顯與閻書以啓示）而曆算之學，亦不愧梅王之先覺。其啓導後學，影響之廣，在並世諸儒中尤首屈一指。先生誠近代一濶博之學者，非後學所能盡測其蘊也。

梨洲先生生遭時屯，韜晦不用，用是足跡未廣；然其生平交游門徒，則更僕難數。顧尋繹遺著，則先生師友契好之美，講學得士之盛，蓋莫過于甬上，其生地之越郡猶不逮也。初，先生受業于同郡劉蕺山先生，而自幼從忠端公（授徒于鄞董德懋家）于甬上，故弱冠即交甬人士。自言其志學嘗得力于其契友陸文虎先生翁，萬履安先生泰。二先生皆甬人，而履安先生亦即今茲重建之白雲莊之主人也。

思舊錄：「余之學始于眉生，（沈壽民字眉生宣城人）成於文虎。」

萬梅庵墓銘「予東陵出游於漸河東，所兄事者甬人，曰陸文虎、萬履安。」

明季坊社盛行，浙東風氣後開，然不久亦起與應和。于時四明才彥與梨洲兄弟相過從者，鄞自陸萬二公外，則有董次公（守諭）董天鑑，（德儼）後有主鑑湖社之李杲堂（鄞嗣），雖問學于梨洲，梨洲亦友視之。慈谿則有劉瑞當、姜顯愚及諸馮（馮元魁、元魁兄弟及其子弟黃道濟、元著、次牧、躋仲等），蓋「無月無四方之客，亦無會不與諸子相徵逐。」（劉瑞當墓誌）其交往之密可見。國變後，匡復之師，社中人多與其事，而四明山

甬上重建萬氏白雲莊及追祀鄉賢紀

秦之師，梨洲與王完助（翊）馮驥仲（哀第）等尤密相結納，更多與甬上諸義烈通聲氣。（當時遺臣如張蒼水錢忠介，先生當曾相見；而一介志士，如余若水增遠周唯一齊晉等，先生亦爲誌其墓。）自履安繼文虎而逝，則與高鼓峯輩相契。蓋先生雖旅遊，廣交四方士，（崇禎三年至江甯入復社，交一時名彥，見巢民年譜錄；六七年間讀書武林，交本省人士亦不鮮，參見查逸遠墓誌銘）然自謂生平師友，皆在甬上，亦可見先生學問淵源與其學侶之與吾寧波關係獨切也。

四明義師既敗，魯王退居海上，先生見事無可爲，始專志著述講學之業。（永曆五年即順治八年，先生四十二歲，清兵陷舟山。此後雖若猶隱與匡復之謀，屢遭名捕，但已自隱斂。再游省垣，十八年著書論易，次年著明夷待訪錄。後二年即康熙三年，始至語溪講學）其講學始于語溪，（石門即今崇德；康熙三年，始至語溪館鄧起西家，旋去之，次年復往）次之海昌，（今海寧；康熙五年之海昌，讀書講學，十五年六年間又往講學，海昌弟子中著者查慎行陳訏等）繼則在會稽舉證人之講會，先後四年，其開始之甬上。先生早年至甬，後輩已有請益者，老友萬履安諸子殆已與其列。至是甬人士聞先生之風，先後負笈請謁者，亦以萬氏諸子爲著。

年譜（黃炳臺撰）：「崇禎十八年、公五十二歲，甬上門士萬允誠（斯禎）季野（斯同）貞一（言）訪公山中。

春之甬上，寓高氏。（案即高且中斗魁家）康熙元年 元夕甬上萬子貞一來訪。 三年六月返里，甬上門士萬公擇（斯選）過謁，理公之詩稿。」

而萬充宗于康熙四年偕同學友二十餘人來越請受業，尤爲一時之盛事。

年譜：「康熙四年公五十六歲 春，甬上萬充宗季野陳介眉葵獻董在中吳仲董巽子仇滄柱等二十餘人咸來，

受業。」

全祖望續甬上耆舊詩（卷九十六）「乙巳之春，甬上諸子始執贄于姚江黃氏之門。（案其中如萬氏諸子在
此前多已受業門下）時同行者：陳慶獻亦衷，張且復汝翼，馮憲仲政，陳非園紫芝，范國雯光陽，陳
介眉錫巖，董在中允瑄，董二嘉允珂，董巽子道權，陳小同自舜，董俟真允璋，鄒禹梅梁，萬公擇斯
選，萬充宗斯大，董吳仲允璘，仇石澗雲蛟，萬貞一言，仇滄柱兆鰲，王文三之坪，萬季野斯同，張
天因士培，張心友士壘，張梅先九英，李錫袞開，張璧薦九林，陳和仲寅衷，錢漢臣魯恭，凡二十七
人。後又益以高揆采宇亮，黃且暢道暉，陸鈺侯紱，張有斯錫琨，一時束修之彥皆萃矣。」

按陳寅衷爲亦衷弟。董允珂、允璋、允璘，皆允瑄兄弟。張士培、士壘、九英、九林爲弟兄，錫
琨爲士培子，皆與張蒼水同支。除全氏所記外，尙可考見者，有王左春之坊，當爲王之坪弟兄
，高宇隆爲高宇亮弟兄，又劉仁規甲、錢穉廉廉、毛孝章文強、戎含大式宏、姜友棠宸蓼、姜汝
高、裴蔗村健（慈谿人）等。

顧當時諸子皆未能久留。先生旋舉證人講會于會稽，先後三年，甬人士亦多往從。

據年譜，先生于康熙六年與姜定庵（希轍）等重舉葺山先生證人書院之講會。七年八年輒以春之郡城開講
，九年秋仍之郡寓證人書院。

董吳仲墓誌銘（甬甯文定三集卷二）「先師立證人書院，講學于越中，至甲申而罷講。後二十四年爲丁未
，余與姜定庵復講會，修遺書，括磨斯世之耳目。」

而甬士之嚮風者，復于其間迎先生之鄞講學。

甬上重建萬氏白雲莊及追祀鄉賢紀

年譜「康熙七年公五十九歲，甬上門士請主鄞城講席，三月，公之鄞與諸子大會于廣濟橋，又會于延慶寺，亦以證人名之。」

全祖望甬上證人書院記（鮑琦亭集外編卷十六）「證人書院一席，蕺山先生轍中所開講也，吾鄉何以亦有之？蓋梨洲先生以蕺山之徒，申其師說，其在吾鄉，從游者日就講，因亦以證人名之。書院在城西之管村，萬氏之別業也。」（案萬氏在管村舊有白雲莊，書院所在當即白雲莊，今修復此莊，即復甬上證人書院之舊蹟也。聞文獻會尙擬將全氏此記刻石立莊中云。）

董吳仲墓誌銘「明年余至甬上，諸子大會于僧寺，亦遂以證人名之。甬上講學之事，數百年所創見，傳相驚怪。……甬上風氣爲之一變。」案先生甬上講會，初在南門延慶寺，全氏謂在管村別業，蓋後來移就于彼也。

初先生門弟子陳夔獻鑒于士習淳薄，登文墨而不本經術，已于康熙六七年間與同里十餘人創講經會于甬上。

陳夔獻墓誌銘（甬雷文定後集）「丁未戊申間（即康熙六年七年）甬上陳夔獻創爲講經會，搜故家經術之書，與同志討論得失，一義未安，迭互鋒起，……思至心破，往往有荒途爲先儒之所未廓者。數年之間，僅畢詩易三禮，諸子亦散而之四方，然皆有以自見。……（下述著名者十餘人姓名）」

又陳夔獻五十壽序（甬雷文案）「于是爲講經會，窮搜宋元來之傳註得百數十家，分頭誦習，每月二會，各取其長以相會通，數年之間，畢易詩三禮。」

案黃炳榿撰年譜康熙七年條下，于先生之鄞開講之後，接云「於是甬上有講經會」，似未允。蓋據梨洲

所爲文，其時實在六七年間，其事雖實有得于先生之教，（陳氏亦以康熙四年始從先生受業，見上）然非有甬上證人講會以後始有講經會也。

至是更得先生主講，後學益有所啓發，而甬上學風，竟極一時之盛。（見上引陳君五十壽序）當時及門弟子，最爲先生所推稱者，得十八人。

陳燮獻墓誌銘「諸子者亦散而之四方，然皆有以自見：如萬季野（斯同）之史學，萬充宗（斯大）陳同亮（自舜）之窮經，躬行則張旦復，（汝翼）蔣宏憲，名理則萬公擇（斯選），王文三（之坪），文章則鄭禹梅（梁）清工，李杲堂（鄴嗣）緯澤，董巽子（道權）董在中（允瑄）函雅，而萬貞一（言）仇滄柱（兆鰲）陳匪園（紫芝）陳介眉（錫綬）范國雯（光陽）準的當時筆削舊章，餘子亦復質有其文，嗚呼盛矣。」

全謝山二老閣藏書記（鮑琦亭集）「吾鄉嘗歷數高弟，以爲陳燮獻萬充宗陳同亮之經術，王文山萬公擇之名理，張旦復董吳仲（允璘）之躬行，萬季野之史學，與鄒高州之文章，惓惓不置。」

今按先生在陳君墓誌中歷舉門下名士十六人，合燮獻爲十七人。而全氏文中則不舉董在中而舉其弟吳仲（允璘），證之吳仲本與于講經之會，且折服難者，先生盛稱之至比于子路，（見所爲墓誌銘）故將吳仲合之爲十八人。今白雲莊奉祀甬上證人十八高弟卽此也。

甬上證人書院記：「先生講學于語溪、于海昌、于會稽，然嘗謂光明俊偉之士，莫多于吾鄉，故著錄之中有獨契。而吾鄉自隆萬以後，人物稍衰，自先生之陶冶遂大振。至今吾鄉後輩，其知從事于有本之學，蓋自先生導之。」

續甬上耆舊詩「……故先生自言生平師友，皆在甬上，及風波稍息，重舉證人之席，雖嘗一集于會稽，

再集于海昌，三集于石門，（案先生語溪講學較早，此言誤）而總不甚當先生之意。嘗曰「甬上多才，皆光明俊偉之士，足爲吾薪火之寄。」而吾甬上當是時經史之學蔚起，一振前輩之墜緒者，亦以先生左提右挈之功爲大。」

董吳仲墓誌銘（南雷文定三集）：「丁未余與姜定庵復講會，……然越中類不悅學，所見不能出于訓話場屋，而甬上之聞風而興者，一時多英偉高明之士。」

陳夔獻墓誌銘「今海內皆知甬上，精綜六籍，翊翔百氏，危儒行，標清議，一切誇誕骯髒之習擊去之。」

……蓋十年以來所稱魯衛之士，必在甬上也。」

梨洲先生在吾甬教澤之厚如此，顧吾甬乃未有先生祠，以崇先賢而詔後學，不可謂非鄉人之有負于前修也。今鄞人士既訪得萬氏白雲莊之遺址，因以奉祀先生及其高弟，崇德報功之義，衡之前人以師儒配享府學之遺意，抑猶過之。謝山之言曰：「先生兄弟于吾鄉避地最久，且交情尤篤，其魂魄惓惓，反不在姚江而在甬上。」（者舊詩）誦此言也，則知甬人追祀之舉，固足竟謝山未竟之志，而上慰先生浩然之精靈焉。

顧先生在甬上所得弟子甚夥：如張心友（名士瑱，號雪汀，與子講經會，以詩著）陸鈺侯（名鋈，文虎子，以明經終）錢漢臣（名魯恭）及前述來姚謁見諸弟子，（見上引者舊詩傳）其名多與此諸子相伯仲者。先生篤于舊誼，放于交好中之子弟問業者，咸殷殷相接，師弟之誼久而彌深。如鄞董氏（在中弟尚有允珂允璋兄弟二人）慈谿馮氏（馮留仙元嗣之子姪輩）等，而萬氏羣從爲尤著。（見後）蓋講學之間，同聲相引，如蟻附羶，無間遐邇，並得聞其緒餘，著門生籍者，殆難更僕數；而先生在甬上之教澤乃益廣。

謝國楨黃梨洲學譜學侶考：「太冲講學甬上，爲證人之會，其高座皆得攜其子弟聽講，或有以生徒來者。全氏續甬上著舊詩因分弟子與門生，所謂受業者爲弟子，受業于弟子者爲門生。小傳所舉門生，爲董太學元晉、董文學孫符、董文學胡駿。（董道權子）門生中循吏二人，陳大理汝成，（錫嘏子）董永昌等；又有萬學使經，（充宗子）萬磁州承勳（貞一子）范泰甯謬，皆曾問學。」

按梨洲門生除上舉諸人外，尚有陳汝登、錫嘏從子、陳之璠、赤衷子、張錫璜、錫璉、（士瑱子）王錫仁、之坪子，戒心原澄，式宏子，鄭南谿性，梁子，李寅伯暉、文胤子，董旦庵元晉，則爲允瑄長子。

蓋先生自康熙七年以後，常臨甬水，（康熙十二年曾至甬，范友仲導登天一閣觀書，有記）甬人士亦常之先生故里求教，以故先生雖先後在語溪海昌會稽鄞餘姚各處講學，而所最津津樂道見于著錄中者，獨屬甬人，此先生啓導後進轉移學風之影響，所以在吾鄉爲尤偉也。

崇祀黃梨洲先生于甬上，將以求先生舊遊或心契之地，則鄞西管家岸萬氏別業之遺址，允爲佳選；蓋先生論世則嘗稱萬氏之先哲，訂交又深契萬氏當世之長德，講學復啓迪萬氏濟濟之羣從，先生之于鄞萬氏，洵有非恆常親友聯繫所可比倫者。祀之萬氏別業，而以萬氏歷代諸哲與高弟預配享之列，當亦先生泉下所樂受也。當先生從萬履安公熟聞萬氏先賢之鞠躬王事，爰爲表萬都督之墓，而推重萬氏爲國家之世臣，宥禛故實之足徵：

福建總兵都督僉事瑞巖萬公神道碑（南雷文定前集卷五）：「自公十世以上以忠節顯者三世，自公以上以儒術顯者又三世，明州萬氏，無愧爲國家之世臣矣。……今觀萬氏有事則顯忠節，無事則顯儒術，皆

卿相之才，有卿相之才而爲武，亦猶威寧新建有將帥之才而爲文也。……有明大事，如北征，如遜國，如征交趾，如東南倭亂，如救朝鮮，皆牽連萬氏，後有君子而考故實者，萬氏其不爲祀宋乎？」其與履安先生交，（見上）道義相砥礪，憂患相提議，氣誼之篤，尤過尋常。觀先生諸文中之所言，可以略覩其概：

梨洲先生祭萬悔庵文：「余之交先生與文虎，蓋在壬申之歲，（案崇禎五年先生年廿三歲）當是時，東林復社爭相依附，予所居僻壤城市，亦不乏四方客，喪亂之後，其迹如掃。……晚潮落日，孤蓬入港，雖里媪羹兒，亦知其爲先生訪余兄弟之舟也。」

又墓誌銘「已丑余至甬上，時履安喪失家道，抱瘡未痊，相對秉燭，瘡不復發。」

又祭文「嗟乎，十年以來，余之風波禍患，苦無已時，然一歲之間，非先生過我，則我過先生。……先生之不以祝橋剡中易長安者，則欲與吾兄弟共此饑寒流落。斯言歷然，寧可銷磨。皇天后土，既屬無情，後死之痛，顧影彌深。」

而履安之所期于諸子能力學有成無忘先志者又甚切，于是早歲往還，其諸子及早育之孫輩皆從梨洲執贄稱弟子。蓋履安有子八人，皆多才，而公擇以次諸子爲尤勝，李杲堂嘗盛稱之。

錢林文獻徵存錄「秦子斯年斯程斯禎斯昌斯選斯大斯備斯同，多知名于世。同縣李鄰嗣杲堂嘗論之云：粹然有得，造次儒者，吾不如充宗；足以文章名世，居然大家，吾不如真一；至學通古今，無所不辨，吾不如季野。」

全祖望續甬上耆舊詩「萬戶部八子，並負才，當時有高陽里之自，而第五以下四人尤勝。曰白雲五先生

斯選，曰：「揭夫六先生斯大，曰又菴七先生斯備，曰石園八先生斯同。臬堂嘗曰：粹然有得，造次儒者，吾不如萬五，嗜古而信，篤志不紛，吾不如萬六，學通古今，無所不辨，吾不如萬八。而萬七雖爲余壻，其詩律之工，吾且出其下，可謂盛矣。」

萬氏八子及貞一（言，斯年子）九沙（經，斯大子）皆嘗從梨洲先生遊，其事蹟茲不備詳，（參看後附錄）惟略舉梨洲先生稱道之言，足信四明萬氏之多賢。

萬祖繩七十壽序（南雷文定後集卷一）「令子貞一聘入史館，彌給一代，……天下皆知有萬氏之學。……萬氏之門，文章風致，爲衣冠瞻矚，又一時也。」

萬充宗墓誌銘（南雷文定前集卷八）「……士生千載之下，不能會衆以合一，由谷以之川，由川以達于海，猶可謂之窮經乎？……此吾于萬充宗之死，能不慟乎？……大儒不作，……但有講章，而無經術，充宗之學，誰爲流別，余雖歎賞，而人亦莫之信也。」

萬季野之史學，爲黃門之巨擘。先生論門徒語文中常稱之，（公擇充宗皆歿於梨洲之前，季野則後死）萬貞一以文章見稱，梨洲先生嘗曰：「屈指後起作者，惟言與鄭梁二人。」

而萬公擇深思躬行，得蕺山之教，尤爲梨洲所盛稱。

萬公擇墓誌銘「一二知己，勸余藏其狂言，以俟後之君子。惟公擇渙然冰釋，相視莫逆。……使蕺山之流風餘韻北漸而不墜者，信公擇之立身不苟耳。……余直信其爲黃叔度（黃憲後漢人）吳康齋（吳與弼明崇仁人）路上人。」

公擇之死，梨洲哭之曰：「甬上從遊，能續蕺山之傳者，惟斯選一人。」

甬上重建萬氏白雲莊及追祀鄉賢紀

全謝山答諸生問思復堂集帖，亦言萬公擇當時以吳康齋比之。

顧公擇先生墓之在管家岸者，竟年久湮沒，今鄞人士爲之重修而表章之，與奉祀梨洲先生白雲莊相毗連，師弟道誼，永垂典範，不惟先賢英靈庶幾稍慰，即後生應亦知所興起矣。

二、白雲莊舊址與萬氏遺墓之訪獲

梨洲之講學甬上，管假地萬氏之白雲莊，地在鄞西管村，爲萬氏之別業。顧甬上證人書院之名，未甚知名，謝山全氏所撰記，亦僅言在管村，餘多稱頌梨洲學說之語，而未嘗道及院之規制，殆在乾隆時其事亦荒湮不可得詳，而莊舍或亦廢弛。

全謝山甬上證人書院記（鮑琦亭集外編卷十六）「證人書院一席，蕺山先生越中所開講也。吾鄉何以亦有之？蓋梨洲先生以蕺山之徒，申其師說。其在吾鄉，從游者日就講，因亦以證人名之。書院在城西之管村，萬氏之別業也。（此下全文，皆述梨洲先生之學說與身世影響）」

徐綺城四明談助：「甬上證人書院在西成橋之南，地名管村。」

萬氏輩從濟濟，但其後多遷徙分散，其留鄞者不甚昌，白雲莊日久亦遂無人知者。光緒鄞縣志古蹟篇，記白雲莊在城西管村，初未嘗考明其今址，惟備錄全氏之甬上證人書院記，以彰此莊講學之舊事而已。今鄞縣西郊有管江沿村，距西門約四里，證之舊祀，殆相符合。（管江沿殆即管家岸之轉音，村臨河，故曰岸曰沿也）其地與接官亭相去僅一衣帶水，有萬氏舊祠一，土人稱之曰萬家莊，莊之南則有華表巍巍之古塚，是爲履安先生之父瑞嚴公墓。而曾爲講學勝地；所謂白雲莊者，則杳無所知，訪古者嘗偏詢之村人，復

以質之萬氏後裔，皆未知別有所謂白雲莊也。

萬氏原祠之非卽白雲莊，察其堂構，考之舊紀而可信。蓋村人所稱之萬家莊，實爲一家祠，爲堂三楹，門上磚甃「萬氏原祠」四字，堂左有嘉一府君建祠記。（下題清乾隆己巳十四世家孫婦傅氏所立）。嘉一府君卽瑞巖公（名邦孚），官福建總兵左軍都督府都督僉事，以敗倭功封驃騎將軍者。晚年自營生壠于管村，上題「都督萬公貞藏」。以先世父祖之墓皆不在本鄉，爰建此祠以奉祀之。復爲維護新塋，別建墓莊。

萬氏宗譜先塋錄（萬充宗輯）：「鄞西管家岸嘉一府君墓，左建原祠，祀諱一府君（名斌，名文質，從太祖征死，墓在滄州）正一府君（名椿，瑞巖之曾祖）茂一府君（名表，瑞巖之祖。）盛二府君（名通甫，瑞巖之父）原祠北置墓舍，西向前後二進。」

今此墓與祠在西城橋南，距城約三四里。而萬季野詩所稱白雲莊亦正在城外三里。（萬季野西泉移居詩有云：「江城三里外，卽是白雲莊」。）祠與莊旣應爲別宇而非一，其地又當相近；而今土人亦無知白雲莊者，則必原在此所謂萬家莊之附近，而屋宇已圯沒不可考耳。

萬氏先賢之墓，分在各地者（如充宗先生墓在杭州，季野先生墓在奉化藕湖畧）尙多爲世知；願爲梨洲先生所盛稱理學名儒之萬公擇先生（斯選）家墓竟埋沒無聞，吾鄉徵文考獻之士，當引爲憾事。而不意鄞人楊菊庭先生（貽誠）竟于去歲訪古西郊時得之，同時又訪得子熾先生之墓。而依此探索，復得斷定白雲莊之所在，建議于鄞文獻會而重建之。荒冢復彰，名蹟重著，不可謂非吾鄉近歲表揚文獻之一要事也。

楊君之訪得公擇先生墓，並考信萬氏白雲莊之遺址，嘗爲文詳紀之。其叙發見墓道之經過云：

「……暇日躡舟往覓之。舟由西郊接官亭渡河，至後管漕，村人導之至萬家村。（中述所見萬氏原祠

與都督萬瑞巖公墓之情形，從略)……介都督墓道與萬氏原祠間，而在原祠右側者，有小墓一，亦面南；其前立小碣，長不滿五尺，闊僅尺許，四圍蔓草沒脛，諦視之：有字二行，曰「理學名儒白雲萬五先生之墓」。(案楊先生告余，初在荒草中見一碣端，出土僅一尺，撥草而視之得「理」「萬」二字，猶不甚明，爬土掘出，始大驚喜云)蓋戶部有子八，公擇行五，學者稱爲白雲先生。萬氏式微，其墓竟成荒冢，不久將淪爲兔窟，可慨也已。〔楊君撰西郊訪萬氏白雲莊遺址及白雲先生塋墓記曾載國風四卷六號〕

公擇先生墓東，有子熾先生(名斯昌)墓，爲後來訪獲，故此記中未之及。(見後)

楊先生既得發見遺墓，益思考索白雲莊之所在。顧如前所述，村人僅目原祠曰萬家莊，而無知更有白雲莊者。楊君亦以爲都督既造生壙而建祖祠，決不至以奉祀遠祖之祠，而爲自營生壙之墓舍；且先塋錄有原祠北置墓舍云云，(引見上)則白雲莊必此墓舍之名，而與原祠毗近。乃再度訪尋，而得牆外類似屋基之方田，考定白雲莊之遺址焉。

「……于是復渡河往訪之，徧歷全村，仍無所得。偶見原祠後牆外向北二丈許，有方田一邱。中蒔蔬，旁多古柏，與常田殊。東臨河曲，可繫舟；詢之土人，云：此田甚瘠，父老相傳，掘地寸許，即得巨石，縱橫密布，具有條理，乃去之而種植焉。余視其田之廣袤，適可容屋二進，若建屋西向，則直對都督壙穴之左方，然則此方田之本爲屋基，而此屋基之必爲都督自建墓舍之白雲莊也無疑。至今土人誤呼原祠曰萬家莊，更可證白雲莊即在此方田，與原祠毗連，日久傾圮，而莊之名僅存，祠之名反隱沒而無聞也」。(引同上文)

楊君既有此奇獲，輒以告友人之關心古蹟文獻者。于時鄧文獻委員會方有事于修建范氏天一閣之役，鄧人士正樂聞揚幽闇微之業，楊君亦會員之一，爰建議先修萬白雲先生之墓。

鄧縣文獻委員會二十三年四月十八日第五次常會紀錄「楊委員菊庭提議西郊管江沿理學名儒萬白雲先生斯選墓荒蕪本會應否設法修理案 議決：由各委員捐款修理，推楊菊庭陳如馨馮孟顯三委員負責辦理之。」

其時以天一閣修建需費孔鉅，懼屢次議款之未易，故僅言修墓而未遑籌建莊。六月間，寧區行政督察專員趙申之君（名次勝）募得款千金，且于修復舊蹟甚願助成，于是文獻會遂決以建莊與修墓同時並舉，發啓向文獻會各委員及甬籍旅外聞人籌募。啓云：

昔梁生夜奔。首封玉壘之基。范公守睦。始佛嚴光之祠。蓋表忠所以勵俗。尚賢所以移風也。當明未造。鄧萬戶部奉，以世臣廉起義師。事雖不濟。天下歸忠焉。戶部五子公擇先生斯選，遵父遺志。不仕新朝。安貧樂道。風古著書。學統接蕪山南雷之傳。窮理居充宗季野之右。崇祀鄉賢。列名國史。次勝來蒞斯土。夙仰高風。訪得公擇先生墳墓在鄧西管家岸之原。荒蕪不治。鞠為茂草。嗚呼。遺民處士。天地之正氣。人倫之規範也。方今禮義崩頹。廉恥道喪。若不急為撲崇。特行表揚。人氏其將何所取法乎哉。竊不自揆。發起修葺先生墳墓。撥建碑於其左。書刻梨洲謝山雲藻之文。復所舍於其右。重新四忠三節一義之主。所望衛道君子。明德丈人。慷慨捐金。踴躍輸將。拯狂瀾於既倒。發潛德之幽光。先民不遠。風烈猶存。登堂謁講。想見其人。可以慨然而興起矣。發起人趙次勝陳寶麟趙家泰俞濟民葉謙諒張之銘俞煥毛秀生馮貞寧楊貽誠陳潤萬三多同啓。中華民國二十三年六月

（墓修萬公擇公先生墳墓及萬氏白雲莊誌）

是年十二月中旬，楊君又偕馮陳二君約鄧縣縣長陳冠靈君（寶麟）同往謁墓，且商修建之方，復于白雲先生墓左近發見一荒冢，掘泥搜碣剔視，則橫刻「孝先永四府君墓」七字赫然在（參卷首插圖），蓋履安先生第四

甬上重建萬氏白雲莊及追祀鄉賢紀

子斯昌字子熾，（永行四），雖不著于學，而慷慨好義，有名將家風者之埋骨處也。因決于修白雲先生墓時同時重修，以慰先靈。而萬都督端巖公墓右，又有李野先生子子建公（名世標，歲貢生）塚，墓門較完整，歲時祭掃未廢，文獻會亦將于修成二墓後，略事修葺云。

三、重建白雲莊與修建萬墓之經過

——附錄樹立碑記等原文——

募修之役，始限于萬公擇先生之墓道，繼乃擴為重建久湮之白雲莊，且兼及修建萬子熾先生之墓。莊既為姚江黃梨洲先生講學之舊地，建莊亦所以重梨洲先生與其高弟及萬氏諸哲之祀典。（見下節）而二公冢墓之重光，則以上慰英靈，且期與舊莊相輝映而共垂久遠焉。修建工程，鄞文獻委員會主其事，凡募款之來源，工程之設計，工料之分配，茲皆無取縷述。據萬氏宗譜所云墓舍為二進，文獻會既以白雲莊即為瑞巖公所建之墓舍，故略仿此意，建正屋三楹，後進平屋三間。鄞西故有王深寧公祠，因市政府改造馬路，拆屋讓地，須為重造。文獻會即與司王公祠者議，以值四百五十金購入王公祠屋料及民房舊料。（案王公祠舊址現在鄞縣西郊鄞西小學中，其粟主上書「宋朝請大夫禮部尚書鄞縣開國伯厚齋王公諱應麟之神位」，余曾在該校瞻謁之）二十三年冬初興工，建莊與造墓立碑等並舉；迄二十四年六月，大體完成。

新建白雲莊面積約半畝，門東向。（萬氏宗譜謂嘉一府君建墓舍西向，但西向則背河，行人不易得見其門，故改為東向云）由今縣長陳君題白雲莊三字，入門經小天井即正殿，後為平房。出側門向西數十武

，即見二萬公墓。子熾先生墓在左，公擇先生墓在右，新建隆起，東西毗接。子熾公墓門石碑爲「孝先永四府君墓」七字。案子熾公任俠而早世，不以學藝著聲聞。鄞文獻會主席馮孟頤先生特爲短文以表其墓。原文如次：

明 萬 君 子 熾 墓 表

嗚呼，是謂有明萬君之墓。君諱斯昌。字子熾。一字孝先。鄞人。戶部主事泰第四子也。少負奇氣。勇力過人。明季兵起。避地鄞郡。獨持短戈。往來捍衛。里人羣謂不愧名將家子。卒於監國魯八年十二月。春秋二十有九。妻趙氏，無出。以兄子善爲後。合葬於其祖都督邦孚墓旁、鄞西管家岸之原。民國二十四年五月慈谿馮貞羣表。

更以子熾公事蹟非儒林所習知，特立石其側，鐫黃澤望先生所撰傳于其上，並錄之以便考覽：

萬 子 熾 傳

徐姚黃宗會撰

萬子熾者。吾友履安先生之第四子也。名斯昌。生有氣力。慷慨重氣節。論事激昂奮發。無所畏避。疎於財利。家無儲粟。有入卽給予困乏。履安平居與余品第諸子。以子熾少文采。獨不之喜。余曰。君家名將。此真將種。得時則駕矣。何憂爲。迨丙戌。虜兵渡江。遍地皆亂民。避難剡溪。而子熾獨以一人間關百里。持短兵扞衛。一無所失。履安以爲諸子所不及也。妻趙氏。先子熾死。無所出。子熾語人曰。吾觀世人碌碌爭利於市者。大都爲其妻子耳。家貧妻死。不能再娶。今禍亂方興。四海無主。子然一身。吾得自由矣。于是父兄皆鄉居避亂。而子熾常往來城市。馮京第舉兵山中。往回風洞。日捕田間人。索其軍需。民多怨之。子熾從迂道走百數十重。語之曰。民本怨虜。公爲安民。故與

義滅虜也。今也民之怨虜。不如怨公。敗亡之道也。虜會金礪大舉搜山。民皆爲之向導。月餘。京第大將袁文虎被擒。子熾復徒步走語曰。虜迫矣。公曷歸。所以圖再舉。京第不聽。卒爲虜所擒。子熾常往來吳門。凡履安平昔交遊。無不稱履安有子。後竟隱西山桃源鄉。與兄斯程以賣藥爲業。癸巳十二月、病瘵。往市肆取截瘵丹。服之果驗。其夜、與兄弟劇飲。醉臥火盆上。夜半聞喘聲。起視之而絕矣。履安哭謂余曰。吾向不喜此子。子稱之。未嘗不以子言爲是。今死矣。痛之未能置也。曷就子平昔所知一二。爲我傳之。斯昌不死矣。余悲其言。爲作萬子熾傳。

贊曰。萬氏自明威將軍起兵滌陽。隨高皇帝定天下。遂世爲名將。十傳至履安。始以孝廉知名當世。其諸子亦稱文學士。獨子熾個儻多智。崇尚氣節。不欲以章句自困。蓋其家風然云。（此處原文用墨筆塗去四十九字）不獲展其才。而遘疾以死。其可痛也哉。

民國二十四年五月慈谿馮貞羣書 鄞縣文獻委員會立石

謹案黃澤望先生名宗會，爲梨洲先生之弟，博學有聲于時。梨洲先生所謂「冥搜博覽天官地誌金石算數掛影草軌藝術雜學，蓋無勿與予同者，」又謂「自濼浴以至今日，儒者百十家，余與澤望能知其宗旨離合是非之故，」（見南雷文定前鄉進士黃君塘志）則其博雅可知。子熾之懷才不遇，得澤望之傳而可信，正未可以文學著述之不彰而忽之也。

萬公擇先生墓門之碑，爲原石上鐫「理學名儒白雲萬五先生之墓」。公擇先生從梨洲先生游，最爲梨洲先生所推重。于其歿也，躬爲文銘其墓，比之于陽明之于徐曰仁焉。文獻會爲表彰鄉賢，卽立石鐫梨洲先生所爲墓誌銘于墓側。並錄原文于此，以便考覽：

萬子公擇墓誌銘

徐姚黃宗義撰

昔者徐曰仁死。(案徐愛字曰仁餘姚人)陽明每臨講席。酬答之間。機緣未契。則曰、是意也。吾嘗與曰仁言之。年來未易及也。一日講畢。環柱而走。歎曰、安得起曰仁於泉下而聞斯言乎。乃率諸弟子至其墓所。酌酒而告之。嗟乎、知言之難也。從古皆然。余老而無聞。然平生心得。爲先儒之所未發者。則有數語。其言性也。以爲陰陽五行一也。賦於人物。則有萬殊。有情無情。各一其性。故曰、各正性命。以言乎非一性也。程子言「惡亦不可不謂之性」是也。狼貪虎暴。獨非性乎。然不可以此言人人。則惟有不忍人之心。純粹至善。如薑辛荼苦。賦時已自各別。故善言性者。莫如神農氏之本草。其言太極也。統三百八十四爻之陰陽。卽爲兩儀。統六十四卦之純陽純陰。陽卦多陰。陽卦多陽。卽爲四象。四象之分布卽爲八卦。故兩儀四象八卦。生則俱生。無有次第。人生墮地。分父母以爲氣質。從氣質而有義理。則義理之發源在於父母。陽明言以此純乎天理之心。發之事父便是孝。不知天理從父母而發。便是仁也。嚴父配天。非崇高之也。吾之於天。渺不相屬。藉嚴父在天之靈。通其陟降。而先儒疑於郊禘。以功德言。不以感召言、非也。河圖洛書。先儒多有辨其非者。余以爲卽今之圖經地理志也。其言河洛者。周公定鼎於洛。四方之人戶盛衰。道里之阨塞險易。諸侯貢於天王。故謂之河圖洛書。其他異同甚多。見者皆爲鄙書燕說。一二知己。勸余藏其狂言。以俟後之君子。惟公擇渙然冰釋。相視莫逆。以爲聖人復起。不易吾言。余何以得此於公擇哉。今公擇死矣。余之思公擇。甯不殊陽明之思曰仁乎。公擇諱斯選。萬氏。余友履安先生之第五子也。其世系詳履安誌中。公擇生平不應科舉。出而教授。自武林語水以至淮上。故亦不專舉業。通鑑則手錄。二十一史則句讀丹鉛

• 不遺一字。其在語水。得余所評羅念庵王塘南二先生集讀之。不以口耳從事。默坐澄心。恍然如中流之一壺。證以莪山意爲心之主宰而愈信。從此卓犖讀書。不爲舊說所錮。三十年如一日也。淮上之門人。如唯一西泠皆能興起於學。使莪山之流風餘韻北漸而不墜者。信公擇之立身不苟耳。世苦於貧。多不持士節。三三兩兩。相習於機械之途。以苟得爲才。公擇痛惡之。即在久故者。未嘗肯假借一語。令其自容。有以講學自命者。諸儒無不受其彈駁。衆皆惑之。公擇曰。誠使彈駁皆是也。而獨不彈駁。燒金關節身與之乎。節在名家子。逃而爲僧。見人即以布施強聒。公擇面數之曰。儒佛皆君子。曾有君子而不知廉恥一道。節在不覺愧屈。交遊間闡隱微之善。貶纖芥之惡。古之所謂隘人也。公擇既不爲世用。事功無所表見。又不著書以自炫耀。然余直信其爲黃叔度（黃憲後漢時人）吳康齋（吳與弼明崇仁人）路上人。非阿私所好也。生於崇禎己巳五月十九日。卒於康熙甲戌八月初十日。娶董晉公之女。無子。以兄子世祺孫丞爲後。一女適王文三之子錫仁。余三年病榻。知交斷絕。公擇自館歸。必再三過余。以工夫相證。始得破涕一笑。今年正月二十二日。雪浪兼天。公擇扁舟觸險。信宿而去。余以爲一年之別。執手悽愴。苟知其死別。悲又當何如也。知公擇者。家人未必如余。故不俟其請而銘之。銘曰：

世之講學。僅以口耳。高者清談。卑者無恥。光郎之丸。時文批尾。惟公擇甫。靜坐窮理。數十年功。識一是字。不泥古說。不隨時徒。膠漆盆中。震雷破底。吾傷孤零。愈思其美。

中華民國二十四年四月令旦浙江省第五特區行政督察專員趙次勝書 鄞縣文獻委員會立石

公擇先生之歿，清廷曾宣付史館列傳，而浙江學使則爲表章理學，請以先生入祀鄉賢祠。雖遺民之心

，無取滿廷之褒崇，然所以昭後學之矜式者，自亦由此而益著。文獻會爰爲以別石鐫清史儒林傳及從祀之原文于其上云：

〔清史儒林傳〕 萬斯選、浙江鄞縣人。學於黃宗羲。嘗謂學者須驗之躬行。方爲實學。於是切實體認。知意爲心之存主。非心之所發。理即在氣中。非理先氣後。涵養純粹。年六十卒。宗義哭之慟。曰甬上從遊。能續蕺山之傳者。惟斯選一人。

清故布衣公擇萬先生入祀甯波府學鄉賢祠。

看特萬斯選安貧樂道。服古著書。理學接姚江之真傳。淵源爲梨洲之都講。閩里奉以矜式。月且久恆輿評。行學置主入祠。以示風勵。繳。康熙三十七年學使張希良批。

民國二十四年四月鄞縣縣長陳寶麟書 鄞縣文獻委員會立石

此次重建白雲莊及修理二墓之款，因募得之收有限，故工程未求精。而以文獻會諸人熱心籌度，亦已盡其應有，而購料之經濟，人工之撙節，尤爲不可多得者。據十一月杪文獻會司事施永絢君函告，及見之于十二月三十一日文獻委會紀錄中之報告者，大抵如下：（單位元）

捐款收入	二〇六九・〇〇	白雲莊屋料	四五〇・〇〇
息金等收入	五一・五三	白雲莊及修墓工料	一四七八・五〇
餘存	一一〇・元一五九	辦公及印刷費	七一・八七一

其間購入王伯厚祠屋料，僅作四百餘金，已有協助之意；而莊前及周圍垣牆之磚石料，值三百九十金，則

甬上重建萬氏白雲莊及追祀鄉賢紀

由鄞縣救濟院捐助；莊前臨河之水泥埠頭及煤屑場地道路，則由鄞縣整理城河委員會義務修築，凡此不惟使修建工程得以減輕開支，且亦以永垂鄞人士合力以保存文獻之精神于不朽也。至目前尙存餘款百二十金有奇，則據文獻委員十一次常會時主席之報告，謂將充添置匾對及印行徵信錄之用云。

四、白雲莊之落成與祀典

白雲莊爲甬上萬氏之別業，亦梨洲先生舊遊之地。前既言之：梨洲嘗久居甬，師友多在甬上，甬人士從遊尤衆。願甬上名公先賢之祠祀甚衆，而梨洲之祀典闕焉。鄞文獻會之謀修復白雲莊，僉意不僅在留舊蹟，亦將以修失祀也。梨洲弟子著籍甬上有聲者無慮數十人，而見之于其文字卓然稱有造者得十八人。（見第一節）而萬氏自文質公以次，世著忠節，楊文懿公守陳嘗題其閭曰四忠三節一義之門，此尤鄉里之英傑，宜享血食。至萬都督邦孚之諸孫曾，自公擇充宗季野貞一四公已列于證人高弟外，其他祖繩斯年以次五子，充宗子九沙程，季野子子建鼎標，貞一子開遠承勛，皆嘗得聞梨洲之緒餘者，合都督與履安公凡十人，亦宜配享其中。于是建築主三十七，預定中龕中奉梨洲先生位，左右以十八高弟配；左龕中奉萬氏四忠，左右以三節一義配；右龕中奉萬都督位，左右以孫曾履安公祖繩公九人配。（見後表）二十四年夏，文獻會重建白雲莊及修建二萬公墓落成，以梨洲先生生于萬曆三十八年八月八日，遂定是年國曆八月八日爲入祀公祭之期，（文獻會六月八日第九次會決定）函約地方官會中委員及當地士紳與祭。其通知云：

西郊白雲莊及萬子熾白雲二先生墳墓營修落成，擇于八月八日上午九時，公送黃梨洲先生及證人高弟十八君子萬氏四忠三節一義暨十哲神位入莊奉祀，舉行公祭，並祭掃二萬公墳墓，組織甬雷社，希屆

期剋證同往，午刻享醊，勿遲是幸。

是日，預定集合于鄆西鄆西小學，蓋全謝山公祠之所在也。到者第五區行政督察專員趙申之君（次勝，代表葉杏南）縣長陳冠靈君（寶麟）鄆文獻委員會主席馮孟顯君（貞羣）委員葉友益（謙諒）張伯岸（之鈔）張禪桐（琴）楊菊庭（詒誠）汪奐伯諸君，邑紳孫翔熊林德祺諸君，萬氏後人萬心權萬常餘萬慎昌諸君，（皆充宗公裔而出繼大宗子祖種公之後者）都三十餘人。余方自杭假歸慈谿，特來甬躬與其盛。九時自鄆西乘小舟向管家岸，十時進莊，馮君等十人恭奉神位上龕，導以鼓樂。龕前供陳牲醴，用廟祭盤簪祭燭，一如舊儀。公推趙專員代表葉杏南君主祭，張龕桐君司儀，馮孟顯君讀祭文，餘人序列陪祭。祭文如次：

維中華民國二十四年八月八日，第五特區行政督察專員趙次勝，鄆縣縣長陳寶麟，暨鄆縣文獻委員會主席馮貞羣委員楊貽誠等如干人，謹以牲醴之儀，致祭于明都察院左副都御史餘姚黃文孝公，暨鄉賢蔣子萬爲，（下文姓名上並冠鄉賢二字，茲從省）李子杲堂，張子旦復，陳子變獻，董子在中，萬子公擇，范子筆山，董子缶堂，陳子非園，萬子充宗，陳子堯山，陳子怡庭，董子吳仲，鄭子寒邨，萬子季野，萬子貞一，仇子滄柱，王子文三之神座前曰：

鄆濱東海，自昔俗鄙，慶歷五先，淳熙四子，大昌聖學，開蒙化被，鄉號鄆魯，儒林有軌。科舉學盛，士趨功名，舉比久冷，帶草不生。赫赫南雷，戴山高足，起義不成，退而講學。首窮經術，證明於史，博而能精，學貴求是。甬上從遊，以風相厲，琢之磨之，始克成玉。薪火之傳，一十八人，上繼有宋，文質彬彬。德積雖微，道映天下。二百年來，知德者寡，白雲講舍，鞠爲茂艸，緬懷遺徵，鳩工建造。八月八日，南雷誕辰，高弟配食，左右振振。導河積石，出自龍門，澤施後學，獲知本根。

甬上重建萬氏白雲莊及追祀鄉賢紀

甬上重建萬氏白雲莊及追祀鄉賢紀

二四

會祭講社，薄具犧牲，雲旗天半，彷彿來迎。見賢思齊，敬奉一觥。維冀來格，瓊瑤玉聲。謹以明武略將軍滌州義兵萬戶萬公文質，明明威將軍寧波衛指揮僉事萬公榮祿，暨繼配曹恭人，明明威將軍甯波衛指揮僉事萬公世忠，暨元配陳恭人，明射龍將軍甯波衛指揮僉事萬公世學，暨元配吳恭人，明萬氏義姑肅心居士，明驃騎將軍福建總兵都督僉事萬公瑞巖，明戶部主事萬君履安，明鄞縣學生萬君祖繩，明義士萬君斯程，明寧波府學生萬君正符，明義士萬君子熾，明詩人萬君允誠，清編修萬君九沙，清歲貢萬君子建，清磁州知州萬君開遠，配食。上饗。

公祭鄉賢既畢，又在新修之子熾先生墓前行公祭禮。墓之左爲萬都督瑞巖公之墓，其前則有子建歲貢之墓，並致贈體。萬氏原祠在其旁，中有嘉一府君（即瑞巖公）建祠記，亦同進謁。于是謝神而散，以原舟歸，與祭者以午刻享餼。白雲莊堂構質樸，神主亦用素色；神前特置石龕，聞移自邑廟者。祭典簡質莊重，附近住民聚觀者數百人，而萬氏後裔諸人，尤嘖嘖稱文獻會諸公之功不置。此後歲祭之典，復由南雷社規定于每年八月八日舉行云。

今錄白雲莊奉祀神主之位次如次：（神主皆恭寫如右文）

中 龕

中 奉

明都察院左副都御史餘姚黃文孝公宗義之神位

配享諸高弟子十八人

左 昭

右 穆

鄉賢蔣子弘憲之位

鄉賢李子文胤之位

鄉賢張子汝翼之位

鄉賢陳子赤衷之位

鄉賢董子允瑄之位

鄉賢萬子斯選之位

鄉賢范子光陽之位

鄉賢董子道權之位

鄉賢陳子紫芝之位

鄉賢萬子斯大之位

鄉賢陳子自舜之位

鄉賢陳子錫服之位

鄉賢董子允璘之位

鄉賢鄭子 梁之位

鄉賢萬子斯同之位

鄉賢萬子 言之位

鄉賢仇子兆鰲之位

鄉賢王子之坪之位

(案十八人次第皆以生年先後爲序，惟萬貞一原長于季野一歲，以叔姪，故序列季野于前云。)

左 龕

中 奉 萬氏四忠

明武略將軍濠州義兵萬戶萬公文質斌之位

明明威將軍甯波衛指揮僉事萬公榮祿鍾之位

明明威將軍甯波衛指揮僉事萬公世忠武之位

甯上重建萬氏白雲莊及追祀鄉賢紀

甬上重建萬氏白雲莊及追祀鄉賢紀

二六

明射龍將軍甯波衛指揮僉事萬公世學文之位

左昭配享 萬氏三節

明甯波衛指揮僉事萬公榮祿繼配曹恭人之位

明甯波衛指揮僉事萬公世忠元配陳恭人之位

明甯波衛指揮僉事萬公世學元配吳恭人之位

右穆配享 萬氏一義

明萬氏義姑祖心居士義顯之位

右龕

中奉

明驃騎將軍福建總兵左軍都督府都督僉事萬公瑞巖邦孚之神位

左昭配享 四人

明戶部主事萬君履安泰之位

明義士萬君斯程之位

明義士萬君子熾斯昌之位

清提督貴州學政翰林院編修萬君九沙經之位

右穆配享 五人

明鄞縣學生萬君祖繩斯年之位


明甯波府學生萬君正符斯禎之位

明詩人萬君允誠斯備之位

清歲貢生萬君子建世標之位

清徵舉孝友端方磁州知州萬君開遠承勳之位

世系簡表



- 斯程
- 斯禎正符
- 斯昌子燾
- 斯選公擇
- 斯大亮宗經九沙
- 斯備允誠
- 斯同季野世標子建

甬上重建萬氏白雲莊及追祀鄉賢紀

五、白雲莊入祀諸鄉賢小傳

黃公梨洲

宗義

生明萬歷三十八年八月八日卒清康熙三十四年七月三日（一六一〇—一九五）

梨洲先生事蹟，有全謝山撰之神道碑，黃炳屋有年譜，其他如清史儒林傳文獻徵存錄漢學師承記等並有可考。近人謝國楨君撰黃梨洲學譜，于傳狀學說著述門從皆據羣籍備詳之，尤便參稽。梨洲著作，則馮孟顯君所編遺書目錄完備，已載國風七卷一期，茲不重載。以先生之博大，自非短文所能傳其概。惟本篇爲白雲莊入祀諸子皆鑿小傳，則于其宗祀之先賢，自不可不簡述凡要，以備一格；掛漏特甚，讀者自當進考專篇與先生之著作也。

公諱宗義，字太沖，號梨洲，學者稱甬雷先生，私諡文孝，浙江餘姚人。父忠端公諱尊素，爲東林名士，生五子，公最長。忠端公爲魏閩所害，公上書訟寃，崇禎初，閩黨敗，公始爲物望所歸。折節從劉馱山（宗周）遊，所得益粹。及甲申國變，福王立于南京，阮大鍼柄政，名捕諸正人。公亡命日本，旋歸，與錢忠介起義兵奉魯王，號世忠營，兵敗，隨魯王之舟山，力圖匡復。爲清廷忌嫉，屢瀕于難。及永曆西行，明社無望，始絕意國事，隱居以講學著述爲事。昔馱山嘗爲證人之會，公乃再舉講會于越中，又開講于甬上，又曾之海昌語溪講學。康熙中，詔徵鴻博，拒之。明史開館，禮聘不赴，乃詔督撫就公家求其著述有關者鈔送史館，而其子百家門人斯同則以布衣參史局。公爲學追本于宋明先哲之傳，以濂洛之統，綜會諸家，象數之學，兼宗淳浦。于羣經百家諸史兵農輿地天文曆算乃至釋典道藏，無不究心，嘗力挽王學之

弊，謂學必源本于經術，而後不爲蹈虛，必證明于史籍，而後足以應務。其治學宗旨與其博大之故，卽此可見；而拳拳宗國，尤多寄之于治史。著有明夷待訪錄，明儒學案，行朝錄，其詩文則有南雷文定文案詩歷等行世。

★ ★ ★ ★ ★

證人高弟十八君子小傳

1. 蔣公笠庵

弘憲

生明天啓二年三月二十七日卒清康熙三十一年（一六二二—一六九二）

公諱弘憲，字萬爲，號笠庵，諸生。行文以理骨爲主，聲譽揚溢一時。爲人守繩墨，不苟言笑，草堂之內，羔雁成羣。郡守海道聘爲子師。蘇州江甯試士，郡守並禮聘襄試，公岸然絕私干，時論欽之。（南雷文定有蔣萬爲墓誌銘）

2. 李公杲堂

文胤

生明天啓二年四月二日卒清康熙十九年（一六二二—一六八〇）

公諱文胤，字鄴嗣，以字行，杲堂其別署也。明諸生，國變後，從父櫛謀起義，甬上五君子之禍，父以牽連被逮，公亦坐繫定海，賴萬履安公之救得免，父尋卒。公自是雖匿迹，然性好義，營救黃晦木（宗炎）及張蒼水公諸舊遊，所保護甚多。其重爲蒼水營葬，辭詞科之薦，尤見其拳拳故國之節。取蕺山之學于黃梨洲，復承滄浦（黃道周）之學于何（義兆）呂（漢憲），又好爲詩，與里人爲詩社，被推主盟。已乃肆力輯甬上舊詩，人各繫以傳，且爲位以祭之，其自任以粉里文獻之重如此。著續世說，杲堂詩文鈔。子敞。（南雷文定有李杲堂墓志，鄞志卷四十一有傳）

甬上重建萬氏白雲莊及追祀鄉賢紀

3. 張公日復汝翼
天啓三年

公諱汝翼，字且復，一字學庵。少承母教，有志聖賢之學，力學篤行，一時稱名諸生。講經之會，諸子談辨鋒起，公徐以一言折之，聞者皆意慙，梨洲稱爲篤行君子焉。（見文稿序，鄞志卷四十二有傳）

4. 陳公夔獻亦衷
生明天啓七年卒清康熙二十六年（一六二七—一六八七）

梨洲先生平生師友，多在甬上。而于康熙間甬上學風之盛，獨拳拳歸功于陳夔獻先生講經之會。其言曰：「夔獻以一諸生，旅見學宮，揖讓于博士之前，……不及十年，而能轉浙河東黃茅白葦之風概，使之通經學古。……方今天下多事，不可無夔獻。」是公之造就雖或不如公擇季野，而其影響于一時者固非同門諸子所可同日語也。公諱亦衷，別號環村。爲學返本六經，不屑屑于場屋。從梨洲先生爲高弟，受戴山人譜，紹其絕學。康熙六七年間，叛講經會于甬上，梨洲先生重舉證人講會于越中，（亦在六年）搜故家經學之書，與同志討論得失，一義未安，迭互鋒起，往往有爲諸儒所未發者。其後諸子多散之四方，而大都執贊梨洲門下云。康熙十九年，以貢士入都廷試；其時徐乾學之門，巾卷如林，公至，獨以淵儒待之，令其子弟稟學。由是物譽揚溢，公卿爭致，作貞女箴却之。又爲忌者中傷，窮老卒于京邸，年六十一，著有環邨集。（南甯文案有壽序，文定後集卷三有銘誌墓，鄞志卷四十二有傳）

5. 董公在中允瑄

生明天啓七年九月十八日卒清康熙十八年（一六二七—一六七九）

公諱允瑄，字在中。秉父天鑑公（德佛）之教，卓犖好學。文學南豐，詩法東坡；後受業梨洲先生，遂撰諸儒語錄，會心在陽明傳習錄，心通臆暢，不以世論奪也。康熙八年舉人，著有尊德錄，事天堂奉銘

堂諸集。(南雷文定三集有墓誌銘，鄆志卷四十一有傳)

6. 萬公公擇

斯選

生明崇禎二年五月十七日卒清康熙三十三年(一六二九—一九四)

公諱斯選，字公擇，號白雲，履安公第五子。從梨洲學，獨得其理學之傳。嘗謂學者須驗之躬行，方爲實學，于是切實體認，涵養純粹。及卒，梨洲哭之慟，曰：甬上從遊，能繼蕺山之傳者，惟斯選一人。又曰：使蕺山之流風餘韻北漸而不墜者，信公擇之立身不苟耳。公擇不知名于事功，亦不務著書，而踐履之篤，造詣之深，時人至比之吳康齋。門人在淮南爲多。梨洲承姚江之學，惟公最能得其傳云。(梨洲先生所爲墓誌銘，已見上節附錄，清史稿儒林傳二有傳，鄆志卷四十有傳)

7. 范公筆山

光陽

生明崇禎三年二月二十三日卒清康熙四十四年(一六三〇—一七〇五)

公諱光陽，字國綏，筆山其別號。少重名節，授徒自給，康熙二十七年進士，授庶吉士，散館改戶部主事。以兵部郎中出知延平府，爲政雅持大體，平易愛民，息訟輕征，平治劇賊，時推循吏。生平肆力文學，從梨洲先生遊，益歸于醇實，卒年七十六。自言文體凡三變，少學六朝爲應世之作，壯考典故爲用世之文，及從梨洲遊，始知撥華存實，其所造之卓可知。著有雙雲堂集。(鄆梁撰墓志，鄆志卷四十二有傳)

8. 董公缶堂

道權

生明崇禎三年九月五日卒清康熙二十九年(一六三〇—一九〇)

公諱道權，字巽子，號缶堂。事父守諭公盡孝，爲諸生，不攻舉業。博覽經史，旁通星卜方伎，尤工詩。鄭寒村(梁)言甬上詩人，其能成一家言者，鄆山(周容)以才勝，其氣壯，杲堂(李鄴嗣)以學勝，其詞膽，巽子以情勝，其致逸，三人而已。門人私謚貞孝，著缶堂學詩學文炳燭集，墨備集。(黃梨洲撰墓志，鄭寒村撰傳，鄆縣卷四十一有傳)

6. 陳公非園

紫芝

生明崇禎四年卒清康熙三十年（一六三一—一六九一）

公諱紫芝，號非園，與陳介眉等俱從梨洲講學。康熙十八年進士，任御史，卓然以風紀自任。疏請編纂禮書，以一典章，又請以屯務屬州縣。時明珠爲大學士，勢甚張。公劾其黨張沂，康熙多其敢言，補四品卿，轉奉天府丞，兼督學政。疏請墾荒興學，升大理丞，多所平反。而明珠以前嫌謀害之，遂暴卒。（蔣村庵有傳，鄞志卷四十二有傳）

10 萬公充宗

斯大

生明崇禎六年六月六日卒清康熙二十二年（一六三三—一六八三）

公諱斯大，字充宗，晚號跛翁，學者稱褐夫先生，履安公第六子。自少絕意場屋，以窮經爲己任。承父命偕同學十數子，執教于梨洲先生之門，與講經之會。取諸經及先儒注疏，窮研十餘年，豁然貫通。以爲非通諸經不能通一經；非悟傳注之失，則不能通經；非以經釋經，則亦無由悟傳注之失。六經自箋疏以下，皆有排纂。於春秋則存專傳，論世屬辭比事原情定罪諸義例；於三禮則有論郊社論禘論祖宗明堂泰壇喪服諸發明；皆自來先儒所未發，爲應搢謙徐乾學等所推服。著萬氏經學五書，所輯春秋，燼于火。持躬剛毅不撓，而嗜義若渴，張蒼水死國難，公爲負骨葬之甬屏，又營父友陸文虎先人諸墓。年五十一，卒于杭州。（甬書文定前集有萬充宗墓誌銘，清史稿儒林傳，鄞志卷四十一有傳）

11 陳公堯山

自舜

生明崇禎七年七月十一日卒清康熙五十年（一六三四—一七一）

公諱自舜，字小同，一字同亮，號堯山。爲人強毅方嚴，篤持名教。以諸生隱居講學。皓首窮經，不遺餘力。於春秋窮探微旨，證墜晦缺者百餘家，著有春秋經傳集解。又精研字學，凡字彙正字通古今韻略諸書，有一字未經蒐入者，悉爲補輯。善蓄書，其雲在樓所藏，至推爲天一閣之亞云。（鄞塞村撰墓志，

12 陳公怡庭

錫殿

生明崇禎七年十月二日卒清康熙二十六年(一六三四—一六八七)

公諱錫殿，字介眉，號怡庭。康熙十五年進士，官編修，奉令與纂皇興表鑑，受褒稱。以父老歸養。時甬上經會中輟，公修舉故事，視昔加盛。從事于格物致知之學；踐履甚篤。早年授徒，長為詞臣，莫不窮日方以赴，不稍懈；病中猶隱几危坐，不釋丹鉛，卒以積勞卒，著有兼山堂集。(南雷文定後集有墓誌，鄭寒村有行狀，郭志卷四十二有傳)子汝咸，號悔廬，以擊海賊有功，致通顯。

13 董公吳仲

允璘

生明崇禎九年十二月十九日卒清康熙十年(一六三六—一六七一)

公諱允璘，字吳仲，在中公(允瑄)之弟。弱冠主持坊社，為學從陽明入，鄙訓詁，謂非實學。已讀哉山學言，句磨字析，辨其同異，作劉子質疑，自署為叢山學者。甬上講學之事，數百年所創見，傳相驚怪；公既從梨洲遊，能使疑者解頤，辨其折角，由是風氣為之一變。為人磊落敢任事，都邑利害是非，論議憤發，當事聽之奪色。就館象山，行社會之法。疾惡如仇，亦以是不諧于俗。梨洲至比之子路之于孔子云。(南雷文定三集有墓誌銘，郭志卷四十一附兄允瑄傳)

14 鄭公寒村

梁

生明崇禎十年十二月五日卒清康熙五十二年(一六三七—一七一三)

公諱梁，字禹梅，號寒邨，慈谿人。(案本篇所附小傳不著籍貫者，皆鄞人)康熙二十七年進士，以刑部郎中出為高州知府，革除鎮標兵餉積弊及制府巡歷供億費，又以高民好訟，盡力疏導，與民休息。嘗謂為政貴因，因題齋額曰因亭，遂以自號。公少好詩古文，而深于經藝，旁通百家，即從梨洲問學。頗見推許，稱其詩不泥唐而自與唐台。(寒邨詩稿序，見南雷文定後集)稱其文與歸震川不期而合云。(鄭禹梅刻

甬上重建萬氏白雲莊及追祀鄉賢紀

稿序，甬甯文定三集）著有寒邨詩文集。（參看慈谿縣志本傳）

15 萬公季野

斯同

生明崇禎十一年正月廿四日卒清康熙四十一年（一六三八—一七〇二）

公諱斯同，字季野，學者稱石園先生，（私諱貞文）履安公第八子。從父命與諸兄同受業于梨洲，而公最能光大其史學，于明史之造詣爲尤深。少慧力學，及從梨洲遊，始爲有本之學。郡中爲經會，公輒以片言折之。博治諸史，而拳拳故國，故尤究心于明代掌故，于有明諸朝實錄，幾能成誦。自以先朝遺民，堅拒鴻博之徵，及明史開局，崑山徐元文禮致之，公乃以布衣參史局，不署銜，不受俸。諸纂修官以稿至，皆送公覆審，明史稿五百卷，皆公手定。其後王鴻緒攘其稿而改竄之，爲乾隆時張廷玉修刊明史時之所據；雖損其真，而公之功力爲不朽矣。其在京師，一時才彥雲集，而朝野皆尊禮公，士大夫多就問益；因開講會，所啓導甚多。公著述繁富，自明史稿外，更有讀禮通考，補歷代史表，儒林宗派，宋季忠義錄，羣書疑辨等。其石園詩文集僅殘存鈔本行世。（方苞有墓表，錢大昕全祖望各爲之傳，劉坊有行狀，清史儒林傳不詳，鄞志卷四十一有傳）

16 萬公管村

言

生明崇禎十年七月六日卒清康熙四十四年（一六三七—一七〇五）

公諱言，字貞一，號管村，履安公家孫；祖續公（斯年傳見後）之子。少與諸叔受業于梨洲，以古文見賞于師門。梨洲嘗謂屈指後起作者，惟言與鄧梁二人。其叔季野亦曰：使我有汝筆，班馬不難到也。康熙十四年副貢，薦召爲明史館纂修。公性鯁直，不肯徇干請，由是得罪權貴，遷五河知縣，與教平獄。而制府姚之，論罪且死，子承勳向舊遊贖金贖免之，由是病廢而卒，世咸惜未竟其學也。在史館獨成崇禎長

編，又有明鑑舉要，管邨詩文鈔。（清史稿附斯大傳，鄞志卷四十二有傳）

17 仇公滄柱

兆燾

生明崇禎十一年卒清康熙五十六年（一六三八—一七一七）

公諱兆燾，字滄柱，康熙二十四年進士，授編修，與修一統志及明史，擢禮部侍郎，吏部右侍郎，兼翰林院學士，以敢言繫一時人望。初從梨洲，論學以蕺山爲宗。及在朝與李光地等相講貫，乃歸宗朱子，然所著四書講義，仍兼采蕺山師說。又著杜詩詳註，卒年八十。（鄞縣志卷四十二有傳）

18 王公文三

之坪

生明崇禎十三年四月廿二日卒清康熙三十六年（一六四〇—一七〇七）

公諱之坪，字文三，號添堂，諸生。爲人嚴氣正性，脩脯所入，被及三鄰。萬公擇嘗曰：「文三躬行實踐之方，多吾黨所當師法也。」兄之坊，字左春，俱受業于梨洲云。（鄞志卷四十一王之坊傳，附之坪）

萬氏四忠三節一義小傳

1. 萬公文質 斌

生元英宗至治二年卒明洪武五年（一三二二—一三七二年，年五十一）

萬文質公原名國珍，先世定遠人。負文武才，有大志。值元末羣雄大起，公集義旅保其鄉。時明太祖起義，公率所部歸之，充萬戶，賜名斌。從征入滁城，搗儀真，授顯武將軍，守滁州。復從徵定濠泗。洪武建位，敘功授武略將軍，復從費公北向定中原。洪武五年，復從宣武劉公北征饒州，大戰于阿魯渾河，橫槊馳突，奮不顧身，乘勝深入，力戰而歿。太祖憫之，誥贈明威將軍指揮僉事。葬于滁州。綜公一生用命力征，鞠躬盡瘁，死而後已。萬充宗撰先人世傳贊之曰：萬氏一門忠節，蓋自府君啓之矣。配董恭人。

（公未嘗居鄞，事蹟見萬姓統譜世傳，明史卷三百一，浙江通志鄞志在鍾傳附述）

2. 萬公榮祿 鍾

生元順帝至正十七年卒明建文元年（一三五七—一九九年，年四十三）

甬上重建萬氏白雲莊及追祀鄉賢紀

公諱鍾，字榮祿，文質公之子。生十六歲而孤，性孝，痛父歿于王事，益勵報國之志，奮志練騎射，究心韬略。長襲父爵，授武毅將軍，龍驤衛副千戶。奉命征松州，討吉安泰和諸叛寇，奮勇出奇，所至著勳。時東南沿海始有倭寇，洪武十七年，奉命將兵寧波，駕弋船捕倭，尋調守禦定海，再調昌國衛，移置東門，造艦蓄銳，隱然爲海道重鎮。旋召入京，超授寧波衛指揮僉事，子孫世襲，賜第宅寧波府學之東，因家焉。建文元年，燕王靖難兵起，拒戰于順天之大興，陣亡，其後裔奉冠劍葬于鄞桃源鄉應香大嶺山。配陳恭人，繼配曹恭人，以守節旌。生二子，長曰武，字世忠，次曰文，字世學。女一、義顯，以撫姪不嫁，史稱義姑。（王畿撰行狀，明史卷三百一，鄞志卷三十二有傳）

3. 萬公世忠 武 生明洪武十九年卒永樂六年（一三八六一—一四〇八年，年二十三）
公諱武，字世忠，襲先職爲寧波衛指揮僉事，在官清謹。永樂初，奉檄討黃巖寇，一鼓而平之。五年，坐事謫戍廣西，從黔國公征交趾，過洞庭，道衡永南甯，入交趾，駐永州。次年進兵檀舍江，瘴癘侵入，夙夜不解甲，負疾力戰而死。配陳恭人，以守節旌。（甬上耆舊詩小傳，鄞志卷三十二有傳）

4. 萬公世學 文 生明洪武三十年卒永樂十六年（一三九七—一四一八年，年二十二）

世忠公既歿，其弟世學公襲兄爵，爲甯波衛指揮僉事。廉公有威，軍民翕服。永樂十六年，倭入寇，率舟師出海迎敵，戰于蓮花洋，斬擒甚夥，叙功留守桃渚海口。明年六月，一晚有雙炬如懸燈見于海口煙霧中，公以爲敵至，進舟發強弩射之，落其一炬。隨而颶風大作，波浪洶湧，舟覆而溺死，年僅二十有二。故老相傳，雙炬蓋龍目也，世因稱公爲射龍將軍云。配吳恭人，以守節旌。（浙江通志卷一六四、鄞志卷三十二有傳，鮑琦亭集射龍將軍廟碑）

5. 曹恭人 萬榮祿公繼妻 生明洪武二年卒正統六年（一三六九—一四四一年，年七十二）

曹恭人名妙素，寧波衛百戶祥之女，適萬榮祿公爲繼室。性柔慧，善女紅，奉姑盡孝。前室生子武，女義顯，曹復生子文，女義果。建文元年，公死國難，曹年三十一，守志貞固，躬紡績以助不給，辛勤四十餘年。嘗手書訓其孫全，勉力忠孝，善承先人，卒年七十三。

6. 陳恭人 萬世忠公妻 生明洪武十八年卒宣德五年（一三八五—一四三〇年，年四十六）

陳恭人名義瑛，適萬世忠公，能得姑歡，稱孝婦。公戰死交趾，陳年二十三，無子，辛勤守節者又二十三年，貞固如一日，卒年四十六。

7. 吳恭人 萬世學公妻 生明洪武二十七年卒天順七年（一三九四—一四六三年，年七十）

吳恭人名義正，定海衛正千戶英之女，適萬世學公。公年二十二，以禦倭溺死，吳遺腹五越月而生子全。近無期功之親，遠無族屬之援，獨姑曹在室，夫妹在室，娣姒相依，撫育遺孤。事姑教子，舉有禮法，鄉邦稱之，卒七十。（以上三人，並據光緒鄞志卷四十六列女傳參看李泉堂萬氏一義傳）

8. 萬祖心居士 義顯 生明洪武十五年卒景泰二年（一三八二—一四五一年，年七十）

萬義姑諱義顯，字祖心，樂祿公之女。（世忠之妹，世學之姊）世忠世學公既相繼死王事，陳恭人（世忠妻）無子，吳恭人（世學妻）于夫死後五越月而生遺腹子，名全。時姑盛年未嫁，痛宗祀式微，喟然曰：吾家三世死國事者四人，俱不得寸骨還葬。今三姪婦主家，（指繼母曹恭人及陳吳二恭人）而所遺孤在乳下，血脈之係，在此一兒，願畢生不嫁，以助撫孤，而昌吾宗。于是遇名閨來聘皆謝之，以處女終。姑賢習勤苦，助繼母二嫂治家撫兒。全長，激以先世忠烈，令習兵法。年逾七十卒，臨死勗以報國，全奮發爲名

萬氏十哲小傳

1. 萬公瑞巖

邦孚 生明嘉靖二十三年卒崇禎元年（一五四四—一六二八，享年七十五）

公諱邦孚，字汝永，號瑞巖，秉父鹿園公之教，以名將世家而力學有造。既襲指揮職，轉浙西督運把總，以軍法部署漕政，成績爲浙中諸道最。萬曆二十六年，征倭師敗，授公游擊將軍，出海援朝鮮，守畿綠江，轉餉不乏，論功遷杭嘉湖參將，改溫處，得請分閩浙海界，以弭海盜之詐。以副總兵，守江北，駐通州，絕私鹽。三十六年，升左軍督府都督僉事，鎮守福建總兵官。在職一本賊繼光遺法，勵兵固防，倭不敢犯。辭歸居甬，營生曠于西郊。敦鄉里文酒之樂者十九年，享高壽。公生丁叔世，著功海疆，至子履安先生，孫充宗季野先生等八人，皆績學知名，而致身王事拳拳宗國之思，奕世不稍沫，則所承于公之遺教者厚也。（南雷文定卷五有神道碑鄧志卷三十八有傳）

2 萬公履安

泰 生明萬曆二十六年卒永曆十一年（即順治十四年）（一五九八—一六五七享年六十）

萬氏自文質公以降，歷世以武功效忠明室，迄履安先生始「棄累代戈矛之傳，以文史代馳驅，……鎮袖東南數十年。」（引劉坊萬季野行狀述季野先生語）而梨洲先生交遊四方，自謂在浙東所兄事者惟萬履安陸文虎二人。（見南雷文定卷六萬悔庵墓誌銘）公有子八人，世號八龍，皆師事梨洲，其名或駕乎過庭，然世莫不多公啓導之功也。公名泰，字履安，別號悔庵。生而魁梧，與同邑陸符（文虎）從劉戡山（宗周）遊，復廣交當世賢豪四明才彥，以移風易俗爲己任，時四明俗猶固陋，先生與諸子激揚名節，扶掖後進，士習始端；且與東林通聲氣，浙東風氣由是始開。先生篤學工人，而性恢奇，不屑仕進，嘗與黃梨洲等表遜阮大鍼，及甲申變後，（先生年四十七）福王承位，大鍼得用，遂去之。已而浙東舉義，授先生戶部主事，

督饋餉，固辭不獲，乃以角巾視事，終不受職，旋遂遁跡奉化之楡林。知國事不可爲，以作詩交友自放，以計出高斗樞李桐父子于獄，後又以計脫萬宗炎（晦木）于難。匡復之師旣衰，公車徵不出。所至常拾遺事，作詩以表遺民，不啻隱寓國史。蓋先生心恫國變，遂至以好奇見稱，究其志固用世才也。晚客粵東，返棹以染疫卒，年六十；生八子一女，奇才內韜，得諸子而益光大其緒云。（南甯文定萬梅庵墓誌銘，臬堂文鈔亦有墓誌，邵廷采有傳，高斗樞撰行狀，鄞志卷三十九及浙江通志皆有傳，南疆逸史亦有傳，近人王煥鑑有先生年譜，南京國學圖書館出版）

3. 萬公祖繩 斯年 生明萬曆四十五年卒清康熙三十二年（一六一七—一六九三年，年七十六）

（案萬公昆季八人，斯選斯大斯同皆證人高弟，已見前，餘五人今奉于白雲莊右龕）

公諱斯年，字祖繩，履安公長子，少從錢肅樂學，爲高弟，旋逢喪亂，士習兵戈，公獨讀書不輟。梨洲稱其求理于大全，求法于大家，當時未之或先。（見壽序）後主桃源書院，隨學者資性，分經授之。錢公死國變，公收其文集，爲之立詞。公之名雖不諸若弟公擇充宗季野，然篤厚有長者風云。（鄞志附父傳，鄭寒邨雜錄有澹庵壽序）

4. 萬公斯程 生明熹宗天啓元年卒清康熙十年（一六二一—一六七一年，年五十一）

公諱斯程，史不載其字，履安公次子。力學攻醫，介節自持，隱居桃源鄉賣藥。而慷慨負義，有兵家風。初魯王監國，梨洲先生與弟晦木（宗炎）率家丁從之，立世忠營，事敗而晦木被執。履安公與斗魁等畫策潛斃死囚代之。行刑時隱與其謀，卒負晦木以去，冥行十里脫者，即公也。其風義之高卓，即此足以炳耀千古矣。（續甬上耆舊詩卷三十九黃宗會傳中，鄞志附父傳）

5 萬公正符 斯禎 生明天啓二年卒清康熙三十六年（一六二二—一六九七年，年七十六）

公諱斯禎，字正符，履安公三子。郡庠生，讀書安貧，不應舉，以訓蒙終老。精研周易，旁治詩春秋。鄭塞村稱其書宗北海，詩有風人之致云。（鄭塞村安庸集二有萬正符七十壽序，鄞志附父傳）

6. 萬公子熾 斯昌 生于明天啓五年卒永曆七年即清順治十年（一六二五—一六五三年，年二十九）

公諱斯昌，字子熾，履安公四子。少負奇氣，勇力過人，兵亂時捍衛鄉里，里人推重，年二十九薨，以歿。（子熾公事蹟，本文紀修墓之後，附載黃宗會所為傳，可參看。）

7. 萬公允誠 斯備 生明崇禎九年（一六三六）卒年無考

公諱斯備，字允誠，履安公第七子。恬淡不好聞達，隱居不試，教授子弟。擅書法篆刻，隸草之精，得力父教。尤工詩，搜索意匠，字句無不雕磨，李臬堂以女妻之，且與互相唱和，相依二十餘年。臬堂輯甬上舊著詩，肆力為助蒐訪，臬堂且謂詩律之工不逮先生云。著有深省堂詩集。劉戡山死難，公藏其遺書，謝山稱為劉子之功臣云。（鄞志附父傳，續甬上舊著詩卷七七有傳）

8. 萬公九沙 經 生清順治十六年，卒乾隆六年（一六五九—一七四一年，年八十二）

公諱經，字授一，一號九沙，充宗先生之子。少隨諸叔及兄言讀書，姚江黃梨洲先生講學，公侍席末，與聞其教。及長，傳父叔及兄之學，又從閩（若璩）應（搗謙）問學。既成進士，改翰林院庶吉士，散館授編修，管主考山西，督學貴州，寒素以鬻書自給，著有分隸偶存。數被鴻博之薦，皆不赴。晚年與修寧波府志；居杭城，又增輯其父禮記集解數萬言，春秋明義補定哀二公未畢；復重修季野公之歷代紀年，續纂兌貞一公言尚書說及明史舉要，皆先代未成之書，遭大火，遺書悉燼，抱恨而卒，年八十二。（全謝山

撰神道碑，鄧志卷四十二有傳）

9. 萬公子建 世標 生清康熙十八年卒雍正十三年（一六七九—一七三五年，年五十六）

公諱世標，字子建，季野公之子，郡庠歲貢生。承過庭之訓，爲有用之學。季野公著作繁富，不自矜重，及卒于京邸，所攜書多爲錢名世取之去。遺著亦多散佚，公肆力整理，先後付梓，徵存之功甚卓。有明史稿流散目錄、續修萬氏宗譜稿未刻。（事蹟見于統譜者甚略，鄧志無傳）

10 萬公開遠 承勳 生清康熙九年卒雍正七年（一六七〇—一七二九年，年五十九）

公諱承勳，字開遠，貞一公言之子，貞一公以修明史，出令五河縣，又忤大吏，罷官論死，會陝中開贖例，公走數千里籌金五千贖之，貞一公得釋。及父母先後逝，公見遺書遺物必哭，里中稱萬孝子。雍正初，以薦用爲禮州知州，課績稱最，以督河工積勞卒。工詩，有冰雪集，及千之草堂編年文鈔。（四明叢書二集收文鈔一卷）（全謝山有墓志鄧志卷四十二有傳）

六、南雷社之組織

鄧人士爲修王伯厚公之祀典，有深寧社之設，歲祭不絕。又爲司全謝山先生之祀典，近年重整祭社曰新徵社，每歲春秋縣謝山像，公祭胙叙，其士紳爲先生掃墓者，亦置會產，稱闈古社。雖因年遠與其事者或忘本義，然祀典賴此不廢，有足稱也。白雲莊爲文獻會所捐建，然文獻會隸縣府，公督又細，勢不能以兼司保管與歲祭之事。于是文獻會于六月八日舉行第九次常會時，前負責主持修建者陳如馨君等三人提「爲保管白雲莊擬組織會社以資崇奉案」，衆意僉同，擬命名曰南雷社，示不忘宗師也。八月八日公祭事畢，下午遂集諸到會者，舉南雷社成立會，到十五人，馮孟顯君主席。報告莊墓修建經過及捐款尙不足以抵

用費情形，討論要項如次：

(一)修正本社草案

照楊菊庭君起草之草案逐條修正通過。(見後)

(二)規定舉行祀典當辦祭辦法案

先定原則數點，交陳君如馨起草酌定之。

(三)規定白雲莊管理辦法案

推馮孟顯君擬訂白雲莊管理規則。案此事六月八日文獻會中已曾提出決定交南雷社成立時核議者。

(四)社員共同致力研究浙東學術案

決議蒐集與浙東學術有關之圖書，由社保存于莊內，必要時可以借觀。社員應各致方于黃梨洲學說與浙東學術之研究。開會時，社員得貢獻研究心得或共同研討之。

(五)選舉理事長及理事案

照章公推陳君如馨(蘭)爲理事長，馮君孟顯(貞羣)楊君菊君(詒誠)張君伯岸(之銘)萬君常餘四人爲理事。

今更將是日所通過之南雷社社章錄次：

南雷社社章

萬氏白雲莊爲黃南雷先生宗義證人書院故址，年久湮沒，遺蹟無存。民國二十四年，郵縣文獻委員會

甬上重建萬氏白雲莊及追祀鄉賢紀

探索發現，集資修復。茲爲保存祀典，管理墓莊起見，爰集同志，組織南雷社。並訂定社章如左：

一、宗旨 本社定名爲南雷社，以保管白雲莊及萬墓，舉行祀典並研究浙東學術爲宗旨。

二、社員 社員無定額。凡服膺南雷維護文獻者，經社員二人之介紹，得加入爲本社社員。（社員資格得由家族承替，不得私相轉移；如因遠離不能到社，亦不得任意退出，以重社務。）

三、職掌 本社設理事長一人，理事四人，掌理社務，由社員公推之；任期一年，連舉得連任。

四、經費

1. 社員於入社時，每人納國幣二十元，存放生息。

2. 社員每年納國幣一元，以供祀典之用。

3. 遇必要時，得籌募臨時費。

五、祀典 本社定每年八月八日南雷先生誕期爲祭期，在莊中公祭南雷先生及證人社高弟十八人，萬氏四忠三節一義，萬氏十哲，並祭掃萬子熾白雲二先生之墓，由理事聯合當辦，其費向社中提取之，每次暫定國幣二十元。

六、會議 本會於每年祭期開會一次，討論社務，並推舉職員。

七、附則 本社章由會議決定施行，修改時同。

南雷社成立後，白雲莊修建與保管事猶未完全結束。八月二十九日文獻會第十次常會，主席報告白雲莊公祭與南雷社成立情形後，討論事項中並及籌足修建經費問題與保管白雲莊之問題。籌費事後經承募者補密，至十二月三十一日文獻會第十一次會時報告已經籌足，且尙餘款百餘金，擬充加製匾對及印刷辦公

等用。至保管之事，原定萬氏後人常餘君免費承租，惟以不願訂立此項租約，至成問題，文獻會鑑于鄉村教育之需要，特于第十次會決定請縣政府會同西郊鄉在白雲莊設立小學。願縣府以經費困難，函覆從緩，文獻會仍向縣府商請辦理。現聞鄞縣政府決定設立。（最近文獻會開會並以奉化蕪湖番萬季野先生幕係他姓祭掃擬募款修理云）。以此新建屋舍，不宜空閉，設學其中，不僅可以善保莊宇，抑且足宏啓導之效，而無負梨洲先生作育後進之遺意也。

白雲莊修建與奉祀鄉賢及集社之事，已備見上述。甬上學風，在宋世曾一時有鄒魯之稱，元初大儒已罕聞，是後漸以式微。姚江王陽明講學四方，甬人士亦被其教。降至晚明，以坊社之集合，講經會之倡導，學風益盛，而其間梨洲先生之啓導多士，所繫尤鉅。自萬氏諸子，以迄全氏謝山，文史之士輩出，地方文獻，亦表章惟恐不盡。然自乾嘉以後，風氣漸靡，浸假不足與江南比美。海通以還，士習懋遷，國故舊聞，整治益荒。而表揚鄉賢之事，更寂焉寡聞矣。今鄞文獻會既集力以重修藏書舊家之天一閣，復以其餘力規復萬氏遺蹟，修建墓道，此其影響所至，固不僅在表揚鄉賢，抑將以黃萬之教提示後進，俾共以有用之學爲國馳驅，庶幾萬氏先代諸哲之神武，梨洲先生與諸弟子拳拳民族之大義，得以發皇光大于無窮也。

本文承馮孟頌先生及施少素先生（永鈞）略爲校正，甚爲感銘。惟作者承乏浙江圖書館，庶事叢雜，洗筆屢暇，草率成稿，引據之舛謬，敘事之疏訛，恕所不免，幸鄉邦諸公賜予匡糾焉。

國立圖書館印